

630

631

632

633

634

82

U-56



ԱՂԵՔՍԱՆԴՐ ՏԻՒՍԱ ՈՐԴԻ

ԱՂԱԻՆԻՆԵՐՈՒ

# ՄՐՑԱՆՍԱԿԸ

—

Թ. ԱՐԳՄԱՆԵՅ

ԱԻԵՏԻՍ Թ. ԿԼԶԻԻՐԵԱՆ



Կ. ՊՈԼԻՍ

ՏՊԱԳՐ. ՃԻՎԷԼԷԿԵԱՆ

1892



ԱՂԵՔՍԱՆԴՐ ՏԻՒՄԱ ՈՐԴԻ


84  
48  
ԱՂԱԻՆԻՆԵՐՈՒ

ՄՐՑԱՆԱԿԸ



ԹԱՐԳՄԱՆԵՅ

Ա. Թ. ԿԷԶԻՒՐԵԱՆ



Կ. ՊՈԼԻՍ


ՏՊԱԳՐ. ՃԻՎԵԼԵԿՅԱՆ

1892

114

6690-57

8



## ԱՂԱԻՆԻՆԵՐՈՒ ՄՐՅԱՆԱԿԸ

— 1042 —

Ա.

Եթէ զաւակ մըն էք, ձեր հայրն ըսած է անշուշտ. «Սշխատէ՛, կըրթեալ մարդ մը ամէն բանի կարող կըլլայ:» Իսկ եթէ հայր մըն էք, ըսած էք ձեր զակին. «կըթուէ՛, լաւ դաստիարակութիւն մը՝ հարստութիւն մը կարժէ:»

Խիստ լաւ:

1837 սեպտեմբեր 15ին առաւօտեան ժամը 8ին նամակարաչխ մը մտաւ տուն մը ի Մէսլէյ փողոց, որ Փարիզի ամենէ լռին փողոցներէն մին

էր, ու դռնապանին սեղանին վրայ  
նամակ մը դնելով,

— Հո՞ւ կը բնակի Պ. Լըպրէօն,  
ըսաւ և ձեռքն երկնցուց երեք սուխ  
վարձքն առնելու համար:

— Ահաւասիկ երեք սուերնիդ,  
ըսաւ դռնապանուհին, նամակը վե-  
րոյիշեալ վարձակալին յատկացեալ  
դարանը դնելով:

Խորհրդածած էք երբէք նամա-  
կի մը վրայ՝ զոր չէք կրնար բանալ.  
այն չորս ծալուած թղթեայ Սփինք-  
սին վրայ, որ երկրիս մէկ ծայրէն  
միւսը կը տանի ուրախութիւն,  
տխրութիւն կամ յոյս, լուռ մնալով  
անոնց համար, որոց ձեռքէն ան-  
ցած է, մինչև որ իւր հասցէին  
հասնի: Գնահատած էք նամակի  
մը բարիքները: Բսած էք արդեօք:

նամակը՝ հեռաւորութիւններու վայր-  
 կենական մերձեցում մըն է, ձեռ-  
 նասեղմում մըն է լեռներու վրա-  
 յէն, աներևոյթ շղթայ մըն է որ աշ-  
 խարհներն իրարու հետ կը կապէ :  
 Նամակը Յանոսի պէս երկու դէմք  
 ունի : Շատախօս է և համր, ամէն  
 բան կը պարունակէ ու բան մը չը-  
 սեր : Շահեկանութեամբ, զգաց-  
 մամբ ու մտացի խօսքերով լի է ա-  
 նոր համար, որուն ուղղուած է, իսկ  
 անիմաստ բան մըն է մեծաւ մասամբ  
 այն ամենուն համար, որք դիպուած  
 ծաւ կը կարգան զայն : Ըստ բաղ-  
 դի քսան նամակներ առէք ու կար-  
 դացէք : Մին առևտրոյ վրայ կը  
 խօսի, ուրիշ մը դրդուիչ խօսքերով  
 չի է, ուրիշ մըն ալ ճաշի հրաւեր մըն  
 է. այսու ամենայնիւ ասոնք ամէնե-

այ բացուելէ յառաջ միևնոյն դէմքն  
 ունէին, միևնոյն ձևով ծաղուած ու  
 միևնոյն կնիքով կնքուած էին, այ-  
 սինքն միևնոյն դիմակն ունէին: Այս-  
 պէս չէ՞ նաև կեանքն: Քանի՞ տե-  
 սակ տարբեր տարբեր յուզումներ  
 ծածկուած կան այն պահարանին  
 մէջ որ մարդ կը կոչուի, և այն  
 կնիքին տակ որ սիրտ կը կոչուի  
 ու երբէք փոփոխութիւն չը կրեր =  
 Յետոյ օր մը՝ այն նամակը՝ զոր  
 ստացած օրերնիդ մեծ յուզում մը  
 կրած էիք, կրակը կը նետէք. դայն  
 կազմող գրերը լափիչ բոցին մահա-  
 ցու հարուածին տակ կը դալարուին  
 ու սոսկալի ծամածռութիւններ կը-  
 նեն քանի մը վայրկեան, և յետոյ  
 ամեն բան կը լմննայ. անոր անց-  
 եալէն հետք մը մոխիր մ'անգամ

չը մնար: Այսպէս է նաև ձեր սիրտը: Օր մը հետաքրքրութեամբ բացիք դայն, և անոր մէջ սիրեցեալի մը անունը գտնելով երջանիկ եղաք. յետոյ այդ անունն աներևութացաւ, և վերստին անտարբեր մ'եղաք: Բայց այս անունն անհետայնելու համար պէտք չունեցաք ձեր սիրտն այրելու ինչպէս նամակին համար, անունն ինքնիրեն ջրնջուեցաւ, և դրուած էջ մը դարձեալ սպիտակ եղաւ. սակայն եթէ անոր վրայ ուրիշ անուն մը դրել ուղէիք, թերևս փոշի պիտի դառնար:

Կատիկնք ուրեմն թէ 1837 սեպտեմբեր 15ին Մէսիէյ փողոցը Լրպրէօնի հասցէին նամակ մը բերին: Ո՞վ էր այս Լրպրէօնը, և ինչ էր

նամակին պարունակութիւնը : Այս է խնդիրը : Լրպրէօն գրեթէ քառասուն և հինգ տարեկան խոշոր մարդ մըն էր , որ կտաւեղինաց վաճառականութեան մէջ միջակ հարստութեան մը տէր եղած էր : Սակին մ'ունեցած էր ժամանակաւ , և հիմա ալ աղջիկ մ'ունէր . կը տեսնէք թէ որչափ պատճառներ ունէր նամակներ ընդունելու : Պ . Լրպրէօն տղեղ էր , բայց իւր աղջիկը գեղեցիկ . Պ . Լրպրէօն տըխմար մըն էր , բայց իւր աղջիկը խելացի . Պ . Լրպրէօն յաղթանդամ մէկն էր , բայց իւր աղջկան հասակը վայելուչ . վերջապէս Պ . Լրպրէօն անձնասէր մ'էր , բայց իւր աղջիկն՝ զգայուն սիրտ մը ունէր : Ուստի հակառակ սոյն բոլոր պակաս

սութեանց Օրիորդ Լրպրէօն, Պ.  
Լրպրէօնի քթին ծայրէն բռնելով  
ուզած կողմը կը դարձնէր :

Երբ Պ. Լրպրէօնի սպասուհին առ-  
տուան պիտոյքները գնելու համար  
վար իջաւ, դռնապանուհին ստա-  
ցած նամակն անոր յանձնեց. սա  
այ ի դարձին յանձնեց գայն իւր  
տիրոջ, որ գիշերնոցը հագած, իւր  
գրասեղանին առջև գիր կը գրէր :  
Ինչպէս քիչ մը վերն ըսինք, Պ. Լրպ-  
րէօն երկար ատեն վաճառակա-  
նութեամբ զբաղած էր, որոյ միջոցին  
սովորութիւն ունէր առաւօտեան  
ժամը ութէն սկսեալ գաւառներուն  
մէջ և արտասահմանը գտնուող իւր  
թղթակիցներուն նամակներ գրել :

Պ. Լրպրէօն շատ տարիէ ի վեր  
գործէ գաղբած էր, բայց ինք հա-

մոզուած էր թէ տակաւին վաճառականութեամբ կը զբաղէր, և առաջում մը չէր ըլլար որ դոնէ առանց չորս հինգ նամակ դրելու անցընէր: Ի՞նչ կը դնէր իւր թըղթակցութեանց մէջ, ոչ ոք կրնայ ըսել զայն, և ոչ իսկ ինքն: Բայց կը գրէր, զբաղեալ մարդու մը դէմքն ունէր, և իրեն պէտք եղածն ալ այս էր:

Պ. Լըպրէօն այս առթիւ յարմար խօսք մըն ալ գտած էր, որմէ խիստ դո՛հ էր և դոր շատ անգամ կը կըրկնէր, իւր հասառուի ժպիտն ի շըլթունս:

— Գիտեմ թէ ես երբ պիտի մեռնիմ, կըսէր:

— Ե՞րբ պիտի մեռնիս, կը հարցընէին:

— Պիտի մեռնիմ այն իրիկունն ,  
որուն յաջորդ առաւօտուն գիր չը  
գրեմ :

Ուստի Լըպրէօն իւր գրասեղա-  
նին առջեւ նստած էր , ու գրածն  
աղէկ մը տեսնելու համար , աղնոցը  
ճակատուն վրայ բարձրացուցեր էր .  
որովհետեւ ինչպէս որ գիտած էք  
անշուշտ , երբ աղնոցաւոր մէկը բան  
մը որոշակի տեսնել կուզէ , աղնոցը  
կամ մինչեւ ճակատուն կէսը կը  
բարձրացնէ , և կամ մինչեւ քթին  
ծայրը կիջեցնէ , աղնոցին տակէն  
կամ վրայէն նայելու համար :

Այնչափ շատ անգամ գիտած եմ  
այս սլարազայն , որ կ'սկսիմ հա-  
ւատալ թէ ոստիկանութեան կող-  
մանէ հարածեալ մարդիկ միայն որք  
իրենց գիմագիծն ու նկարագիրը

Կորսնցնել տալու մէջ շահ ունին՝ ա-  
նոնք միայն ակնոց կը գործածեն ,  
ու ապակեոյ մը ետեւէն նայել ըս-  
տիպուելով , իրենց աչքերը խտուշը  
կը ձգեն :

Ամենամեծ դիպուածով մը , երբ  
սպասուհին բերաւ դռնապանին  
տուած նամակն անոր յանձնեց ,  
ժիւլի իւր հօր քով կը գտնուէր :  
Աւելորդ է ըսել թէ , ժիւլի՝ Օրիորդ  
Լըպրէօնի մ'գրտութեան անունն էր :  
Ամենամեծ դիպուածով մը , կըսեմք ,  
որովհետեւ սովորաբար Օրիորդ ժիւ-  
լի ժամը տասն ու կէսին կ'ելնէր ու  
տասնեւմէկին նախաճաշը կընէր : Ե-  
թէ այն միջոցին դիտող մը գտնուէր  
հոն , այն թեթեւ կարմրութենէն որ  
Օրիորդ ժիւլի այտերը պատեց ,  
երբ նա տեսաւ նամակին գիրը զոր

իր հայրը պիտի բանար, պիտի  
դուշակէր թէ այս վաղազարթոյց  
նամակը վերաբերութիւն ունէր այն  
դիպուածին հետ, որ Օրիորդ ժիւ-  
լիին ժամը ութին արթննալուն  
պատճառ եղած էր:

Ըսած էինք թէ ժիւլի հիանալի  
էր. հիմայ պիտի հաստատենք  
դայն: Միջահասակ էր նա, սեւ մա-  
զեր ունէր և կապոյտ աչքեր, այ-  
տերը վարդագոյն էին և ակռա-  
ները ճերմակ, ուսերը դէր և փա-  
փուկ էին, թեւերը մսալից էին ու  
ձեռքերը նուրբ, ծունգները կրորիկ  
էին ու ոտքերը փոքրիկ:

Ո՛ր բարերար գաղտնիք բնութեան  
կամ քաղաքակրթութեան, որ տգե-  
ղագոյն հայրերու գեղեցկագոյն

աղջիկները կը պարգեւենս, օրհնեալ  
ըլլաս :

— Իրաւ որ, ըսաւ Պ. Լըպրէօն  
խնդրոյ տակ եղած նամակին հաս-  
ցէին գիրը ուշադրութեամբ քննե-  
լով, իրաւ որ այս գիրը չեմ ճանչ-  
նար :

Ու Պ. Լըպրէօն իւր կաշեպատ  
թիկնաթոռին մէջ ընկողմանելով,  
աջ ձեռքի ցուցամատին ծայրն ըս-  
կաաւ խածնել, ու շարունակեց զըն-  
նել հասցէին գիրը :

— Բա՛ց նամակը, հայրիկ, և ուր-  
կից ըլլալն անմիջապէս պիտի տես-  
նես, ըսաւ Ժիւլի իւր թեւն աթո-  
ռին թիկանց վրայ դնելով, և դէ-  
պի իւր հայրը ծռելով սրտի բա-  
քախամամբ մը :

— Իրաւունք ունիս, ըսաւ հայրը,

և կնիքը քակեց: Կը ծանրանամք  
այս «կնիքը քակեց» խօսքին վրայ,  
որովհետեւ պարոն Լըպրէօն այն  
մարդոցմէն էր, որք համոզուած  
լինելով թէ նամակի մը իւրաքանչ-  
իւր բառն ամենամեծ կարեւորու-  
թիւն ունի, նամակին փակչած տե-  
ղը չեն պատուեր, այլ կամաց մը  
կնիքը կը քակեն, վախնալով որ  
մի գուցէ՝ ածապարանքով պատուի  
նամակին մէկ բառը, որ կրնար իւր  
բացակայութեամբ ամբողջ նամակն  
կամ գէթ նորա մի պարբերութիւնն  
մասամբ կամ ամբողջովին անհաս-  
կանալի ընել:

—Ո՛հ, Լէոնէն է, ըսաւ Պ. Լըպ-  
րէօն նախ և առաջ ստորագրու-  
թեան նայելով:

—Իրա՞ւ կըսես, հարցուց Թիւլի:

—Տեանենք ի՞նչ ըսելիք ունի ինձի այս ազնիւ երիտասարդը :

Ու Պ. Լըպրէօն բարձր ձայնով կարդաց .

«Տէր .

«Նամակս շատ զարմանալի պիտի գտնէք և առաջարկս այ խիստ յանդուգն :»

—Ի՞նչ ազւոր գիր ունի շարածճիտդան , ըսաւ Պ. Լըպրէօն ընդհատելով . տօմարակալի մը արժանի գեղազրութիւն մ'ունի . ի՞նչ օգուտ որ տօմարակալ մը չէ ինքը : Շարունակենք .

«Եւ առաջարկս խիստ յանդուգն , կրկնեց Պ. Լըպրէօն , բառերը շեշտելով : Բայց չեմ կրնար երկարատեն դիմադրել սրտիս բաղձանաց , եւ եթէ պիտի մեռնիմ , կ'ուզեմ որ

մահուանս պատճառը ձեր մերժումն  
ըլլայ քան թէ տարակոյսը :»

— Ի՞նչ ըսել կուզեն այս ամէնը :

— Շարունակեցէք, հայրիկ :

Կտաւեղինաց վաճառականը շա-  
րունակեց ընթերցումը .

« Կը սիրեմ ձեր աղջիկը, և կը հա-  
ւատամ թէ ձեր աղջիկն այ զիս կը  
սիրէ :»

Պ. Լըպրէօն այս հատուածը կար-  
դացած պահուն նստած աթոռին  
վրայ ոտուով մ'ըրաւ :

— Կը սիրէ՞ զքեզ, և դու դայն  
կը սիրես, գոչեց. սխալ չե՞մ կար-  
դար արդեօք :

— Շատ ճիշդ կը կարդաք, հայ-  
րիկ :

— Կը խոստովանի՞ս ուրեմն :

— Մայրս զքեզ շատ կը սիրէր .

ես ալ ուրեմն կրնամ սիրել Պ. Լէ-  
ոնը :

—Ստոյգ է, բայց ես այն ատեն  
վաճառականութեամբ կ'զբաղէի :

—Էհ ուրեմն, հայրիկ, յարեց  
ժիւլի ամենամեծ պաղարիւնու-  
թեամբ. եթէ սառ, համար էր  
որ մայրս զՁեզ կը սիրէր, ես ալ  
ճիշդ ասոր հակառակն ըլլալուն  
համար է որ կը սիրեմ զՊ. Լէոն :

—Բայց ի՞նչ կը պահանջէ :

—Չեռ. քս :

—Կարծեմ խիստ յանդուգն պա-  
հանջում մըն է ըրածը. բայց դուն  
ինչէ՞ն գիտես քու ձեռ.քզ ուզելը :

—Որովհետեւ երեկ ինձ ըսաւ թէ  
Ձեզ նամակ պիտի գրէր ասոր հա-  
մար :

—Ուրեմն ինձմէ զազտուկ կը տեսնուէի՞ք իրարու հետ :

—Այո, հայրիկ :

—Յաճա՞խ :

—Այո, խիստ յաճախ :

—Ա՛հ :

—Ինձի կըսէր թէ ամբողջ կենացը մէջ պիտի սիրէ զիս :

—Ու ի՞նչ կը պատասխանէիր :

—Կը պատասխանէի թէ մինչեւ մահուանս օրը պիտի սիրեմ զինքը ,

—Ե՞րբ կը խօսակցէիք այսպէս :

—Չեղի թէյ տուած ատենս :

—Ուրեմն աչքերուս առջե՞ւ տեղի կունենար այս :

—Այո, միշտ :

—Ու ես չէի՞ տեսներ :

—Քնաւ բան մը չէիք կրնար տեսնել, հայրիկ, որովհետեւ միշտ ակնոյ կը դնէք :

—Շատ աղէկ, շատ աղէկ, ըսաւ Պ. Լըպրէօն ոտքի ելնելով, և առանց նամակին ընթերցումն աւարտելու, դայն չորս ծաղելով: Շատ աղէկ, Օրիորդ, նորէն ձեր դիշերօթի՛լ վարժարանը պիտի դառնաք:

—Ի՞նչ պիտի ընեմ հոն, հարցուց ժիւլի այնպիտի ձայնով մը, որ սրտշակի կը ցուցնէր թէ երբէք չէր վախնար հօրն սպառնալիքներէն:

—Հոն պիտի սպասէք, մինչև որ ձեզի ամուսին մը գտնեմ:

—Իս՞կաք պիտի ընտրէք այդ ամուսինը:

—Ս,յո, ես պիտի ընտրեմ:

—Ես ալ պիտի շամուսնանամ ա՛նոր հետ:

—Պիտի շամուսնանա՞ք անոր հետ:

—Ոչ, հայր իմ:

—Որովհետե՞ւ:

—Որովհետեւ Պ. Լէոնը պիտի  
չըլլայ այն:

—Ուրեմն Պ. Լէոնն է ուղած  
նիդ:

—Այո, հայրիկ:

—Անկէց ուրիշ մը չէ՞ք ուզեր:

—Ոչ, հայրիկ:

—Կը կարծէ՞ք թէ պիտի հաւա  
նիմ այս ամուսնութեան:

—Այո, հայրիկ:

—Հիմա պիտի գրեմ Պ. Լէոնին,  
որ մէկ մըն ալ այս դուռնէն ներս  
ոտք չը դնէ:

—Գարձեալ պիտի տեսնեմ զինք:

—Եւ ո՞ւրիկէ, եթէ կը հաճիք:

—Պատուհանէս, ու պիտի գրեմ  
իրեն:

—Պիտի դրե՞ս . բայց ի՞նչ պիտի  
դրես :

—Թէ կը սիրեմ զինքը , թէ դուք  
բռնաւոր մըն էք , և թէ երբ չա-  
փահաս ըլլամ , պիտի ամուսնանամ  
իրեն հետ հակառակ ձեր կամայ :

—Ուրկէց առիր այս գեղեցիկ  
սկզբունքները :

—Կարդացի :

—Ո՞ր գրքին մէջ :

—Օրինագրքին :

—Օրինագրքի՞ն . ո՞վ պիտի հա-  
ւատար թէ մարդկային իրաւանց  
պաշտպանութեան յատկացեալ գիրք  
մը այսպիսի բաներ կը պարունակէ :

—Հատուած 227 , չափահաս որդ-  
ւոց իրաւանց յատկացեալ գլխոյն  
մէջ :

—Գիտե՞ս թէ ամուսնացած ա-

տենդ որչափ օժիտ պիտի առնուս :  
— Ս.յո , հայրիկ , վաթսուն հա-  
ղար ֆրանդ :

— Օժիտդ պիտի չըտամ քեզ :

— Չէք կրնար , այդ գումարը մօլս  
կը պատկանի , երբ չափահաս ըլ-  
լամ , պարտաւոր էք հաշիւ տալ ինձ :  
Հատուած 86 , խնամակալներու  
յատկացեալ գլխոյն մէջ :

— Ո՞վ ըստ քեզի թէ այս ամենն  
օրինագրքին մէջ գրուած են :

— Պ. Լէօն , գիտէք որ ամէն բանէ  
տեղեկութիւն ունի , հայրիկ :

— Եւ փոխարէնը կուտ մըն ալ  
չունի :

— Որո՞ւ հոգ , պիտի հարստա-  
նայ :

— Երբէք :

— Դուք իսկ ըսիք զայդ իրեն :

—Ե՞ս :

—Դուք . քսան անգամ լսած եմ որ զինքը շնորհաւորած էիք իւր ստացած բարձր դաստիարակութեան համար , և աւելցուցած էիք , թէ ասլազային մեծ հարստութեան տէր պիտի ըլլայ . տեանենք , հայրիկ , նստեցէք ու խօսակցինք :

Պ . Լըպրէօն նստաւ , ժիւլի ալ քովիկը :

—Կը սիրէք զիս , այնպէս չէ՞ , յարեց աղջիկն՝ իւր հօրը փողկապին հանգոյցը շտկելով :

—Ս,յո , և միայն ասոր համար է որ . . . :

—Ձիս սիրելնուդ համար է որ չէք ուզեր Պ . Լէօնին հետ ամուսնանալս . ուրեմն , սիրեցեալ հայրիկս , ես ալ կ'ըսեմ որ այս ամուսնութիւնը պիտի կատարուի :

—Ոչ, Պ. Լէօն կուտ մը շունի. և  
 դուն երջանիկ չես կրնար ըլլալ ե-  
 րեք հազար Ֆրանքի եկամուտով  
 մը, ենթադրելով իսկ որ քու վաթ-  
 սուն հազար Ֆրանքի հարիւրին  
 հինգի հաշուով տոկոսի դնես, որ  
 ներկայ ժամանակիս մէջ շատ ան-  
 հաւանական է: Իմ հարատու թիւնս,  
 որ հարիւր քսան հազար Ֆրանքի  
 չափ է, մահուանէս ետք միայն  
 կրնաս ստանալ. փառք Աստուծոյ,  
 ես ալ ողջ առողջ եմ: Հետեւաբար  
 քեզի այնպիսի ամուսին մը պէտք  
 է, որ գոնէ քու օժտիդ չափ գու-  
 մար մը ունենայ իւր ձեռաց տակ.  
 վաթսուն հազար Ֆրանքի մօտ  
 գումար մը գոնէ . . . :

—Պ. Լէօն պիտի շահի այդ գու-  
 մարը:

—Թող շահի ուրեմն, ետքը կը տեսնենք:

—Եթէ նամակին ընթերցումը շարունակէիք, այդչափ պիտի չըբարկանայիք, և շուտով համաձայնած պիտի ըլլայինք:

—Ուրեմն գիտե՞ս նամակին վերջաւորութիւնը:

—Քնականաբար, որովհետեւ ահոր մէկ օրինակն ալ դրպանս է:

—Ո՛հ, հիմակուան աղջիկները, չարածճի՛:

Պ. Լքայրէօն շարունակեց նամակին ընթերցումը:

«Ձեր աղջկան ամուսինն ըլլալ տհա միակ փառասիրութիւնս, կենացս միակ նպատակը: Բայց կ'ուզեմ գինքն երջանիկ ընել, և այդչկրնար ըլլալ, եթէ չը կրնայ գո»

հացնել իւր բոլոր պէտքերը, իւր  
բոլոր քմահաճոյքներն իսկ : Գիատք  
թէ որչափ ուսեալ եմ, և թէ ուս-  
մունք և գիտութիւն ո՛րչափ միջոց-  
ներկը հայթայթեն զիրենք մշակող-  
ներուն : Տարի մը միջոց շնորհեցէք  
ինձ : Այս ժամանակամիջոցին մէջ  
դործի պիտի ձեռնարկեմ, ձեռնար-  
կութեանս արդիւնաւորման վրայ  
յուսով լի. տարին լրանալուն պի-  
տի դամ Օրիորդ ժիւլիի ձեռքը  
խնդրել ձեզմէ. վասն զի սոյն տար-  
ուան մը միջոցին եթէ անքուն մնալ,  
չոր հացով ու ջրով անանիլ իսկ  
հարկ ըլլայ, առնուազն յիսուն-  
հազար ֆրանք հաւաքած պի-  
տի ըլլամ : Եւ ասիկայ սկզբնաւո-  
րութիւն մը միայն պիտի ըլլայ .  
Omnia labor vincit improbus.»

—Ի՞նչ կը նշանակէ այս վերջին նախադասութիւնը :

—Յարատեւ աշխատութիւն մը ամէն բանի կը յաղթէ, ըսաւ ժիւլի :

—Ուրեմն գիտե՞ս Լատիներէն :

—Այո, հայր իմ :

—Լատիներէն գիտե՞ս :

—Այո, Պ. Լէոն սորվեցուց ինձ, որպէսզի կարենանք ձեր չգիտցած մի լեզուով թղթակցիլ. Բայց աւարտեցէք նամակին ընթերցումը :

«Եթէ տարիէ մը, շարունակեց Պ. Լըպրէօն, որ կը զարմանար թէ ի՞նչպէս կըլլայ որ իւր աղջիկը Լատիներէն կը գիտնայ, եթէ տարիէ մը չը յաջողիմ, այն ատեն ազատ էք Օրիորդ ժիւլիի ձեռքը ուղած անձերնուդ տալու, և ինձ յայնժամ մեռնիլ միայն կը մնայ :»

—Ի՞նչ կ'ըսէք այս առաջարկու-  
թեան, հայրիկ :

—Բաւական տրամաբանական է :

—Ուրեմն կը հաւանի՞ք :

—Պէտք է որ հաւանիմ, քանի  
որ այնպէս կուզես :

—Այսպէս, տարիէ մը Պ. Լէսնի  
կի՞նք պիտի ըլլամ :

—Եթէ տարիէ մը խոստացած  
դումարը շահի և ինձի բերէ յիսուն  
հազար ֆրանք :

—Պիտի շահի : Ուրեմն կրնա՞մ  
այս բարի լուրն իրեն հաղորդել, և  
ըսել որ վեր գարով շնորհակալ ըլ-  
լայ ձեզի :

—Ի՞նչպէս, վե՞ր գայ :

—Վարը՝ փողոցին մէջ պատաս-  
խանի կ'սպասէ :

—Տեսա՞ր դինքը :

—Արդէն դիտէի : Երեկ ըսաւ ինձի, թէ այս առաւօտ ճիշդ ժամը իննին փողոցը պիտի սպասէ . հիմայ ալ ճիշդ ինն է :

Ժիւլի մօտեցաւ պատուհանին, բացաւ դայն, և ձեռքովը այնպիսի նշան մ'ըրաւ, որ ամէն երկրի մէջ կը նշանակէ «եկէք», և այն՝ որուն ուղղուած էր այս նշանացի հրաւերը՝ ուրախութենէն ցատկեց տեղէն և դէպի տունը ուղղուեցաւ :

Բ .

—Շնորհակալ եղիք հօրս, ըսաւ երիտասարդուհին, Լէօնը դէպի Պ . Լըպրէօն յառաջ մղելով . կ'ընդունի ձեր առաջարկը :

—Ո՛րչափ երախտապարտ եմ, ը-

սաւ լէոն՝ հօրը ձեռքերը համբու-  
րելով :

—Ուրեմն շա՞տ կը սիրէք աղջիկս :

—Բոլոր հոգւովս, Պարոն :

—Կը կարծէ՞ք թէ նպատակնուդ  
պիտի հասնիք :

—Վստահ եմ ատոր :

—Ո՞րչափ ստակ ունիք այժմ :

—Ոչինչ :

—Բայց պաշտօն մ' ունիք, շատ  
անդամ ըսած էք ինձ դայդ :

—Այո՛, Պարոն, ելմտական նա-  
խարարութեան մէջ :

—Ի՞նչ կը շահիք ամիսը :

—Հարիւր տասներեք ֆրանք, եօ-  
թանասուըն և հինգ սանթիմ :

—Չնչին դումար մ' է այդ .

—Արդէն ես ալ այդ պաշտօնս  
պիտի ձգեմ :

— Զգուշութեամբ վարուեցէք՝  
թերեւս ձեր բոլոր ուսմամբ այդչափ  
գումար մ'ալ չը կրնաք վաստկիլ :

— Կը սխալիք, Պարոն, բարեբաղ-  
դարար այնպիսի դարու մը մէջ կապ-  
րինք, յորում ամէն աշխատութիւն  
իւր վարձքը կրնդունի :

— Սակայն մինչեւ հիմայ հաղիւ  
թէ ամուսկան հարիւր ասաներեք  
Ֆրանք եօթանասուն և հինգ սան-  
թիմի գործ մը կրցեր էք դանել :

— Մինչեւ հիմայ սէրն ինչ է չէի  
գիտեր, Պարոն, և այս փոքրիկ  
գումարը կը բաւէր իմ պարգասէր  
ճաշակիս :

— Այսպէս գուք շատ բան գի-  
տէք, յարեց Պ. Ալքարէօն, այն դար-  
մացեալ դիմօք, զոր կ'ունենան մի-  
այն իրենց լեզուն գիտցող մարդիկ :

և այն ալ հազիւ կտաւ ծախելու հա-  
մար պէտք եղածին չափ, ու թուա-  
բանութիւնն ալ՝ հարիւրին քսան և  
հինգ - երեսուն չահելու համար պէտք  
եղածին չափ :

— Այո՛, պարոն, շատ բան գի-  
տեմ :

— Անգղիերէն կը խօսի՞ք :

— Չուրի պէս :

— Գերմաներէն :

— Մայրենի լեզուիս չափ գի-  
րութեամբ :

— Իտալերէն :

— Ամենայն գիւրութեամբ :

— Սպաներէն :

— Հրաշալի կէրպիւ :

— Լատիներէն, Յունարէն :

— Խիստ քաջ կերպով . նայն իսկ  
Արարերէն գիտեմ :

—Արաբերէ՛ն, վրայ բերաւ ժիւ-  
լի, այս շատ ազուար. եթէ դուք  
ալ Արաբերէն գիտնայիք, ո՛րչափ  
գոհ պիտի մնայիք, հայրիկ :

—Ի՞նչպէս, այն երկայն ու ծուռ  
ու մուռ գիրերը կրնա՞ք կարդալ :

—Մեծաւ դիւրութեամբ :

—Նկարչութիւն ալ գիտէ՞ք :

—Այո՛, կրնամ վարպետ նկարչի  
մը նկարին ընդօրինակութիւնն ը-  
նել : Քիչ մը ճարտարապետութենէ  
կը հասկնամ. տարրալուծութեան մէջ  
խիստ յաջողակ եմ. գիտեմ ընդ-  
հանուր պատմութիւն, բնական  
պատմութիւն, իրաւագիտութիւն :  
Ու կը կարծէք թէ այս ամեն հրմ-  
տութեամբս հանդերձ տարւոյ մը  
մէջ յիսուն հազար Քրանդ չի՞ պիտի  
կրնամ աւելցնել :

—Յիսուսն հազա՛ր ֆրանգ , բա-  
ւական մեծ գումար մ'է , բայց խօս-  
քըս ետ չեմ առներ , ու խոստումս կը  
պահեմ : Ուրեմն 1838 սեպտեմբեր  
15ին եկէք : Սակայն անմիջապէս  
կուտայի աղջիկս , եթէ հիմայ ձեռ-  
քերնիդ ըլլար այն ստակը , զոր ծը-  
նողքնիդ ծախսած են ձեր բոլոր  
գիտցածները սորվեցնելու համար .  
թո՛ղ տգէտ ըլլայիք , հող չէր :

—Ամբողջ տարի մը համբերու-  
թեամբ պիտի սպասէ՞ք , ժիւլի , ը-  
սաւ Լէոն երիտասարդուհւոյն :

—Այո , բարեկամս , կերդնում :

—Ուրեմն , 1838 սեպտեմբեր 15ին ,  
ըսաւ Լէոն մեկնելով , և իւր սիրոյ  
առարկային ձեռքը սեղմելով :

—Պարոն , պատիւ ունիմ զձեզ ող-  
ջունելու , ըսաւ Պ . Լըպրէօն , որ

այս խօսքը յաւակնոտ շեշտով մը ,  
 և անխմաստ ժպիտ մը ի շրթունս  
 քսան տարի կրկնած էր իւր յաճա-  
 խորդներուն , երբ անոնց հրաժեշտ  
 կուտար :

Գ.

Այս տեսարանէն տասն ու կէս ա-  
 միս վերջ , Լօնտրայի մի ստորնա-  
 կարգ պանդոկին ցած , մթին ու  
 վատառողջ սենեկին մէջ կը տես-  
 նուէր մարդ մը դալկադէմ , եր-  
 կայն մօրուքով , որուն այտերը փոսն  
 ինկած էին , ու ինք գրեթէ քուր-  
 ջեր հաղած էր : Այս մարդը զլու-  
 խը կուրծքին վրայ հակած էր , և  
 ձախ ձեռքը բռնած էր ատրճանակ  
 մը , որուն կարթին ու շնիկին հետ  
 կը խաղար աջ ձեռքովը : Այս դալ-

կադէմ', վտիտ ու քուրջեր հագած  
մարդը, որ երկու օրէ ի վեր բան  
մը կերած չէր, մեր ծանօթ լէոնն  
էր, որ քիչ յետոյ իւր կենաց վերջ  
պիտի տար :

Սեղանին վրայ նամակ մը կար  
ժիւլիի հասցէին, որ սա տողերը  
կը պարունակէր .

«Սմեն բան ըրի հօրդ պահանջած  
գումարը վաստկելու համար . և հի-  
մայ զձեզ վերջին անգամ տեսած  
օրէս աւելի աղքատ վիճակի մը մէջ  
կը գտնուիմ . երկու օրէ ի վեր բան  
մը կերած չեմ : Երբ նամակս ստա-  
նաք, արդէն մեռած պիտի ըլլամ,  
միշտ զձեզ յիշելով : Ատրճանակի  
մը գնտակն ըրած պիտի ըլլայ այն  
բանը, զոր պիտի ընէր անօթու-

Թիւնը, եթէ երբէք համարձակէի  
տակաւին յուսալ:

«Երջանիկ եղիք, ժիւլի, մեռնե՛լէ  
առաջ իմ վերջին բաղձանքս այս է:

«18 յուլիս 1838» «Լէֆն»

Լէֆն վերջին անգամ մ'ալ կար-  
գաց այս նամակն և ապա գոցեց:

— Պէտք չէ այլ եւս ապրիլ մինչեւ  
ց15 սեպտեմբեր, ըսաւ. եւ մինչ  
ատրճանակը քունքին պարպելու վը-  
րայ էր, յանկարծ սենեկին դուռը  
բացուեցաւ ու ներս մտաւ խոշոր ու  
կարմրագէժ մարդ մը, որ ասուեայ  
Թիկնոցակ մը հագած էր, ու առ-  
ջեւը ղենջակ մը կապած, զոր վեր-  
ժողվեր էր: Այս մարդը տէրն էր  
այն պանդոկին յորում կ'ապրէր  
Լէֆն, եթէ ապրիլ կրնայ կոչուիլ  
այն:

Ահոն՝ առաջին շարժամբ մը, ու  
բուն երբէք տէրը չէ մարդ, փո-  
խանակ ատրճանակը պարպելու, իւր  
ձեռքը վար առաւ ու հրազէնը իւր  
ետին պահեց :

Կորա այս շարժումը չը վրիպեցաւ  
պանդոկապետին աչքէն, որ երի-  
տաւատարդին մօտենալով, ըսաւ անոր,

— Ի՞նչ կ'ընէք հող :

Չայս ըսելով թէ հրազէնն և թէ  
Ահոնի ձեռքը դէպ իրեն կը քաշէր :

— Ուրեմն գանկդ պիտի ջախջա-  
խէ՞իր :

Ահոն նշանացի «այո՛» ըսաւ :

— Քառասուն շիլին պա՞րտքեր-  
նիդ :

— Չունիմ որ տամ :

— Այսպէս, ոչ միայն պարտքեր-  
նիդ չէք վճարել, այլ և ինքզինք-

նիդ իմ տա՛նս մէջ կ'սպաննէք,  
 այսինքն պանդոկիս վարկը կը կտա-  
 րէք, և մեռած մարդու մը պատ-  
 ճառած բոլոր հոգերը կ'առթէք  
 ինձ. տուէ՛ք ասորճանակը:

— Ինչո՞ւ համար:

— Կը հարցնէ՛ք. որպէս զի արգե-  
 լում գձեզ ինքզինքնիդ սպաննելէ,  
 մինչեւ որ պարտքերնիդ չը վճա-  
 ճարէք: Այնուհետեւ ազատ էք,  
 բայց պայմանաւ որ իմ տունէս  
 դուրս տեղ մը կատարէք ձեր որո-  
 շումը:

— Ուրեմն մեռնելո՞ւ անգամ ա-  
 զատութիւն չունիմ, մըմնջեց լէտն,  
 դոր թշուառութիւնը, յուսահատու-  
 թիւնն, անօթութիւնն և անձնա-  
 պանութենէ մ'առաջ բնական եզոզ  
 յուզումն այն աստիճան կքեր էին,

որ ինչ ընելէն անգամ տեղեկութիւն  
չունենալով, հրագէնն օթեւանապե-  
տին տուաւ :

— Ստոյգ է որ, ըսաւ, ձեզի  
պարտք ունիմ և ձեզ կը վերաբե-  
րիմ. ուզածնիդ ըրէք ինձ, ձերբա-  
կալել տուէք զիս եթէ կուզէք :

— Ուրեմն շատ թշուա՞ռ էք :

— Ո՛հ, այո, շատ :

— Գործով մը չէ՞ք կրնար զբա-  
ղել :

— Ամէն բան գիտեմ :

— Ամէ՞ն բան :

— Այո, ամէն բան. արաբերէնէն  
ու յունարէնէն սկսեալ, մինչեւ  
իննայողական օճառ շինելու կեր-  
պը գիտեմ. սակայն անօթութե-  
նէս կը մեռնիմ :

— Իրաւունք ունիք, ասոնց և ոչ

մին հաց կուտան, և դուք առաջի-  
նք չէք:

— Ուզեցի դասեր աւանդել, բայց  
տարեկան հազար երկու հարիւր  
Փրանքէն աւելի չք տուին ինձ. հա-  
զար երկու հարիւր Փրանք, որոյ  
համար պիտի ստիպուէի առաւօտէ  
մինչեւ երեկոյ, ութէն տասն երկու  
տարեկան խել մը ապուշ, բթամիտ,  
և և մին միւսէն աւելի անհաճոյ և  
աւելի տղեղ տղայոց ուսում և կրթ-  
թութիւն աւանդել:

— Յետոյ ի՞նչ ըրիք:

— Յետոյ արաքերէն երգերու հա-  
ւաքածոյ մը թարգմանեցի. հիա-  
նալի երգեր, կատարելապէս ան-  
ժանօթ եւրոպիոյ, որ կրնար ամ-  
բողջ հիւսիսի գրականութիւնը յե-  
ղաշրջել:

—Ուրե՞մն :

—Ուրեմն, տպագրիչը թարգմանութիւնս տպագրելու համար երկու հազար ֆրանք պահանջեց :

—Ուրիշ բան մը պէտք էր փորձել :

—Ես ալ այդ ըրի. կառավարութիւնէն գործ պահանջեցի. նկարի մը ընդօրինակութիւնն օրինակի համար :

—Մնշուշտ ընդունեցան ձեր խընդիրը. զի կրտսեն թէ Ծրանաստի մէջ իշխանութիւնք արուեստները կը քաջալերեն :

—Ութ հարիւր ֆրանք խոստացան ինձ Վէլազքէզի(\*) մի նկարն

---

(\*) Վէլազքէզ՝ Սպանիացի հռչակաւոր նկարիչ, որ ապրած է ժէ. դարուն մէջ :

Ծ. Թ.

ընդօրինակելու համար, և ատիկայ  
տարուան մը աշխատութիւն կը  
պահանջէր :

—Շատ զուարճալի բան է այս,  
շարունակեցէք, ըսաւ պանդոկապե-  
տը, ձեռքերն իւր զիստերուն վրայ  
դնելով և հետաքրքիր դէմք մ'առ-  
նելով :

—Ո՛հ, պատմութիւնս կը զուար-  
ճացնէ՞ զձեզ :

—Շատ :

Պանդոկապետը նստաւ աթոռի մը  
վրայ, զի մտածեց անշուշտ թէ  
նստիլը ոտքի վրայ կանգնելէն լա-  
ւազոյն է :

—Լրագրապետի մը դիմեցի, յա-  
րեց լէօն, և արտաքին լուրերը  
թարգմանել և գիտական յօդ-  
ուածներ գրել սկսայ : Ամիս մը

եաք ութսուն ֆրանք շահեցայ, և հրաման ստացայ այլևս չը դրել դիտութեանց վրայ, որովհետեւ բաժանորդներն իմացուցեր են թէ ձանձրացուցիչ են ադոնք:

— Ոհ, այո, գիտական յօդուածներն անտանելի են, ըսաւ պանդուկապետը՝ քրքջածայն խնդարով:

— Այն ատեն ունեցած շունեցածա հաւաքելով Անգլիա եկայ:

— Աղէկ ըրիք:

— Անգղիերէն խիստ լաւ խօսելու պատճառաւ, կը յուսայի երիտասարդ ճէնթրմէններու ֆրանսերէնի դասեր աւանդել, բայց օր մը ձեր հայրենակիցներէն միոյն մայրն եղող լէտիի մը առջեւ «շապիկ» բառն արտասանելու անխոհեմութիւնն ունեցայ, և այն օրն իսկ ճամբայ տուին ինձ:

—Անկէ՛ ետք :

—Անկէ՛ ետք բնաւ բան մը չըրի :  
Եկայ բնակիլ ձեր պանդոկին մէջ ,  
և ձեզի քառասուն շիլին կը պարտիմ :

—Պէտք էր ձեզի յանձնուած առաջին պաշտօնէն դո՛՛հ ըլլայիք , յորում հաշար երկու հարիւր Ֆրանք կը շահէիք :

—Գո՛՛հ ըլլա՛լ , մեռնիլը լաւագոյն էր ինձ համար :

—Ես ունեցածովս դո՛՛հ կ'ըլլամ ,  
բաւ պանդոկապետը հպարտութեամբ . և ահաւասիկ քսան տարի է որ այս գործիս մէջն եմ :

—Ես ալ թերեւս ձեզ պէս դո՛՛հ պիտի ըլլայի , եթէ սիրահարած չըլլայի :

—Սիրահարած էք :

—Այո, և սիրածս առնել կարե-  
նայու համար, պէտք էր որ տարուան  
մը մէջ յիսուն հազար Ֆրանգ շա-  
հէի:

—Տարուան մը մէջ յիսուն հա-  
զար Ֆրանգ. մինչ ես հազիւ հազար  
տակի ունիմ, ձեր ըսած գումարին  
գրեթէ կէսը, և այն՝ քսան տար-  
ուան մէջ: Յիմար մ'էք եղեր, սի-  
րելիս:

—Եւ վեց շաբաթէն տարին կը  
լրանայ, ահա ասոր համար էր որ  
այսօր մեռնիլ կուզէի, փոխանակ  
պայմանաժամուն լրմանն սպասելու:

Պանդոկապետը խորունկ կերպով  
մտածել կը թուէր:

—Միտքս բան մը կուզայ, գո-  
չեց յանկարծ:

—Չե՞ր միտքը:

—Յիսուն հազար ֆրանքի՞ պէտք  
ունիք :

—Այո՛ :

—Եթէ ձեզի վաժսուն հազար  
ֆրանք հայթայթեմ, տասը հազա-  
րըն ինձ կուտա՞ք :

Լէոն պանդոկապետին նայեցաւ,  
իբրև թէ խենդի մը նայէր :

—Լըջօրէն կը խօսիմ, ըսաւ պան-  
դոկապետը :

—Կրնա՞ք ինձի վաժսուն հազար  
ֆրանք հայթայթել :

—Ամիսէ մը :

Լէոն ոտքի ելնելով պանդոկապե-  
տին գիրկը նետուեցաւ : Սա այդ-  
չափ ընտանութենէ շախորժելով,  
Լէոնը ձեռքով ետ մղեց, և ըսաւ .

—Ստամոքսնիդ լա՞ւ, առո՞ղջ է :

—Խիստ առողջ, բայց ի՞նչ վե-  
րաբերութիւն ունի :

— Չարիսպանացո թիւննեցու մէջ  
դասուած էք :

— Երբէք :

— Ուրեմն ձեր սիրած աղջկան հետ  
պիտի ամուսնանաք :

— Ի՞նչ կերպով :

— Քաջ եղիք. քսյոք պէտք եղա-  
ծքն այդ է :

— Ի՞նչ ըսել կ'ուզէք :

— Հաղէք զգեաստիդ :

— Հաղածներէս ուրիշ զգեստ չու-  
նիմ :

— Ուրեմն ես հաստ մը փոխ կու-  
տամ ձեզ, սափրիչ մըն ալ կը ղրկեմ  
ձեզի, որպէս զի ամիլուիք. որով-  
հետեւ մեծ մարդու մը, լորտի մը,  
Սեղբիոյ ատենակալի մը քովը պի-  
տի երթանք :

— Այս մա՞րդը պիտի տայ ինձ  
վարժառն հագարք քոյանք :

—Պիտի շահեցնէ ձեզի, եթէ լաւ ստամոքս մ' ունիք:

—Բան մը չեմ հասկնար:

—Հասկնալու պէտք չ'ունիք, ունի՞ք լաւ ստամոքս մը:

—Կը կրկնեմ թէ՛ այո՛:

—Ազաւնիին միտը կը սիրէ՞ք:

—Ազաւնիին ի՞նչ բան ունի այս ամէնուն մէջ:

—Պատասխանեցէք, ազաւնին կը սիրէ՞ք:

—Պաշտելու աստիճան:

—Փրկուած էք. ես ալ տասն հար ֆրանքս կը շահիմ: Սպասեցէք ինձ, վայրկեանէ մը կը դառնամ:

Այս խօսակցութենէն քսան վայրկեան յետոյ, Լէոն, ածիլուած, և իր հագածէն չորս անգամ աւելի լայն բայց միանգամայն և աւելի

մաքուր զգեստ մը հագած, պանդոկապետին ընկերակցութեամբ դուրս կ'ելնէր պանդոկէն, առանց տակաւին անոր ըսել տալ կարենալու թէ ո՞ւր կը տանէր զինք, և թէ աղանձինները ի՞նչ յարաբերութիւն կրնային ունենալ իր սիրոյն և այն յիսուն հազար ֆրանքին հետ որոյ պէտք ունէր:

Դ.

Պանդոկապետ Բէթէրս՝ Լէոնը Բիզգատէլիի ամենաշքեղ պանդոկներէն մին առաջնորդեց:

— Լօրա Լընիստալը կրնա՞մք տեսնել, հարցուց պանդոկապետն համազգեստաւոր ծառային, որուն առջեւ գլխարկն ի ձեռին ոտքի կանգնած էր պատկառանօք, ու Լէոնին ալ նոյնն ընել կը հրամայէր:

—Ո՛չ, պատասխանեց ստրտաւոր  
բըն, միլորտը մարդ չ'ընդունիր :

—Հաճեցէք ըսել Նորին վսեմաւթեան, յարեց Բէթէրոս, թէ աղանիներուն համար մէկն եկած է :

—Եթէ աղանիներուն համար է կրնաք մանել, ըսաւ ծառայն :

Բէթէրոս յաղթական դէմքով մը  
լէսնին նայեցաւ .

—Սմեն բան լաւ կ'ընթանայ, ըսաւ :

Լէսն երազ տեսնել կը կարծէր :

Ծառայն այս երկու աչցելուներն համակ սակի զարդերով ու մետաքսով զարդարեալ սրահ մը մտցուց, և յայտնի ակնածանքով մը գոր մինչեւ այն ատեն չէր ցուցուցած, ըսաւ անոնց .

—Երթամ իմացներմ՝ Նորին վսեմութեան :

Տասը վայրկեանէն Նորին վսեմութիւնն երեւցաւ :

Գրեթէ 60 տարեկան մարդ մ'էր սա, բարձրահասակ, վախա, սպիտակահեր և աղնուաղէմ, որուն աչքերը՝ խնդրաբկուները պաշտպանելու և անոնց հարկ եղած պատասխանը տալու սովորած մարդու մը նայուածքն ունէին :

—Միլորտ, ըսաւ Բէթէրս յօտին կանգնած, — ինչպէս որ լէոն ալ ոտքի կանգնած էր, — և երկու երեք անգամ խոնարհութիւն ընելով, կուգամ Ձեր վսեմութեան ներկայացնել այս պարտնը, որ կը փափաքի աղանձիներու մրցանակին մասնակցի :

Լօրս Լընիստայ ուշադիր ակնարկով մը դիտեց Լէոնը, ինչպէս բընական պատմութեան հետամուտ մը կը դիտէ իւր շտեսած մէկ միջատը :

— Ֆրանսացի՞ էք, հարցուց Լօրսը Լէոնին Ֆրանսերէն լեզուով :

— Այո՛, պատասխանեց սա Անգղիերէն լեզուով, որով խիստ հաճոյ թուեցաւ Ալպիոնի գաւակին :

— Ու կ'ուզէք ազաւնիներու մարցման մասնակցիլ :

— Չգիտեմ թէ ի՞նչպիսի մրցում մ'է այդ . բայց քաւորդ ժամ մը առաջ դլուխս շախմատներու վրայ էի, երբ պանդոկապետս Պ. Բէթէրս սենեակս մտաւ, և իմ դժբաղդութեանցս պատմութիւնէն զգածեալ առաջարկեց ինձ ամսուան մը մէջ վաթսուն հազար Ֆրանք շահիլ :

Բայց չկրցայ իրեն ըսել տալ թէ  
ի՞նչ միջոցաւ պիտի շահէի :

— Ահաւասիկ խնդիրն , ըսաւ Լօր-  
տը՝ քաղաքագիտի մը ծանր շեշտով ,  
որ քաղաքական ամենակարեւոր  
խնդրոց վրայ կարծիք կը յայտնէ :  
Լօնտրաի մէջ գիտուններու ընկերու-  
թիւն մը կայ , որուն նախագահն  
եմ : Այս ընկերութիւնը՝ գիտու-  
թեանց ամեն մութ կէտերը լուսա-  
ւորելու փափաքէն մղուած՝ 60 հա-  
զար ֆրանգի պարգեւ մը խոստա-  
ցած է այն մարդուն , որ կարենայ  
ամիս մը շարունակ ամեն օր երեկոյ-  
եան ընթրիքին խորոված աղանի մը  
ուտել : Ասիկայ զառաջինն շատ դիւ-  
րին բան մը կ'երեւայ , բայց ոչ ոք  
կրցած է ցարդ յաջողիլ , թէև շա-  
տեր փորձած են : Ոմանք տասնե-

բորդ ազաւնիին ետ կեցած են, ու-  
 րիչներ տաան և հինգերորդին հիւ-  
 ւանդ պատկած են, և երեք հոգի  
 ալ քսան երկուերորդէն մինչեւ քը-  
 սան և հինգերորդը շարունակելով  
 չը կրցան տոկալ ու մեռան: Այն ասե-  
 ն պարզեք երեսուն հազար Փրանք էր  
 միայն. բայց փորձին դժուարու-  
 թիւնը անանելով, վաթսուն հազար  
 Փրանքի բարձրացնել հարկ համա-  
 բեցինք: Այս փորձին տոկալու կա-  
 րողութիւնը կը զգա՞ք յանձին:

Աւելորդ կը սեպենք նկարագրել  
 լէտնի զարմացումը:

—Այո՛, ախար, պատասխանեց՝  
 ատանց ինչ ըսելը գիտնալու, և  
 միայն շահելիք վաթսուն հազար  
 Փրանքին վրայ մտածելով, բայց  
 ազաւնիներէն դուք պիտի մտաւա-  
 կարասրէք:

— Բնականաբար :

— Որովհետև միջոցներս չեն ներ-  
քեր այսպիսի ծախք մ' ընելու :

— Ե՞րբ պիտի սկսիք :

— Այսօրուրնէ իսկ :

— Հաճեցէք ըսել ձեր անունն, ը-  
տաւ Լօրտը նստելով ու Անգլիոյ  
գինանչանը կրող տօմար մը բանա-  
լում :

— Լէոն \* \* \* :

— Տարիքնի՞դ .

— Երեսուն .

— Արհեսնի՞դ .

— Արհեստ չունիմ . պաշտօնատան  
մը մէջ էի , բայց նոյն պաշտօնս  
ձգեցի , ունեցած հմտութենէս ու-  
րիչ կերպով օգուտ քաղել յուսա-  
լում :

— Ուրեմն գիտո՞ւն մ'էք դուք :

— Բաւասկան լաւ դաստիարակու-  
թիւն մ'առած եմ:

— Մեր ընկերութեան մէջ ունիմք  
նշանատուր հեղինակէտ մը, Լօրա  
Պուրլամ:

— Լամա՛ եմ իր վրայով, բայց իր  
Ռիփէտի թարգմանութեան մէջ  
չատ մը վրիպակներ ըրած է:

— Կայ նաեւ արեւելագէտն՝ լօրա  
Կասթրուք:

— Ռը Սաատի բանաստեղծին վրայ  
ըրած ուսումնասիրութեանը մէջ մեծ  
սխալներ դործած է:

— Ուրեմն Արարերէն(\*) կը խօ-  
սի՞ք:

---

(\*) Հեղինակը կը սխալի զՍաատի Ա-  
րարացի կարծելով. յայտնի է թէ Կի-  
լիսի հեղինակը Պարսիկ բանաստեղծ-  
ներուն ամենէն նշանատորն է: Մ. Թ.

—Այո, պարոն :

—Ունինք նաև նշանաւոր հնա-  
խօս մը :

—Ըօրտ Սթօրլէյ. եթէ զինքն  
անձամբ ճանչելու պատիւն ունենա-  
լի, պիտի ապացուցանէի իրեն, թէ  
երկու երեք անգամ սխալած է ե-  
զիպտական բուրգերուն համար  
ցուցած թուականներուն մէջ :

—Կը ճանչէ՞ք նաև զժօրտ Կարպի :

—Ատեղագէտը :

—Այո :

—Կատարելապէս գէթ իւր գոր-  
ծերովը կը ճանչեմ :

—Ան ալ սխալներ ըրած է :

—Միւսներէն աւելի, ասկից դատ-  
ես աստղ մը գտած եմ, որուն գո-  
յութեան վրայ կասկածած իսկ չէ.  
ուզած ատենը կրնամ ցուցնել իրեն :

չրջապատը հաւասար է երկրի շրջապատին քառապատիկին :

— Ուրեմն ամէն բան գիտէ՞ք գուք, պարոն :

— Գրեթէ, միլորտ :

— Եւ հիմայ ալ կուզէք գիտնալ թէ կրնա՞ք ամսուան մը մէջ երեսուսուն աղաւնի ուտել :

— Ո՛չ, միլորտ, կուզեմ՝ ունէ միջոցաւ մը, բաւական է որ պարկեշտ ըլլայ, յիսուն հազար ֆրանք շահիլ մինչև ամիս մը, որովհետև այս պայմանաւ միայն կրնամ սիրած կնոջս հետ ամուսնանալ :

— Ես աւելին պիտի ընեմ ձեզի, պարոն, եթէ մրցանակը շահիք, ես զձեզ անձամբ թագաւորին պիտի ներկայացնեմ, և մեր ընկերութեան մէջ ընդունիլ պիտի տամ :

Լէան խոնարհութիւն մ'ըրաւ ի նը-  
շան շնորհակալեաց :

— Ուրեմն կըսէինք թէ արհեստ... :

— Չունիմ, միւրա :

— Ո՞ւր ծնած էք :

— Ի Բարիդ :

— Ու հիմայ ո՞ւր կը բնակիք :

— Լիօն-Նօարի սլանդոկը, Հօրիպլ  
ս/թրիթ :

— Խիտ լաւ : Ահաւասիկ մեր պայ-  
մանները : Չեր ամէն ուզածն ուտե-  
լու և խմելու ազատ էք. միայն թէ  
ամիս մը շարունակ ամէն օր ժամը  
Յին խորոված ազաւնի մը պիտի  
ուտէք : Մեր մէջէն երկու հոգի  
ձեր ճաշին ներկայ պիտի գանուին,  
և ճաշին ինչպէս սեղի ունենալուն  
վրայ տեղեկագիր մը պիտի գրեն :  
Պէտք է որ ազաւնին ամբողջապէս

կերուած ըլլայ : Եթէ փորձէն հրա-  
 Ժարիք, կրկին չէք կրնար մասնակ-  
 ցիլ . եթէ այս սնունդն առնելնուդ  
 հետեանօք հիւանդ ընկնիք, քսան  
 տակոյ գումար մը պիտի ընդունիք  
 ընելիք ծախքերնուդ համար : Եթէ  
 այս փորձին տակալ չ'կրնալով ընկ-  
 ճուիք երեք անձանց նման, որոց  
 վրայով խօսեցայ պահ մը առաջ,  
 ընկերութեան ծախիւք պիտի թաղ-  
 տիք, ու գերեզմաննուդ վրայ ձեր  
 մահուան պատճառը պիտի արձա-  
 նագրուի :

— Շնորհակալ եմ Ձեր տուած այս  
 տեղեկութիւններէն, միլօրտ . բայց  
 ներեցէք որ հարցում մ' ընեմ ձեզ :

— Խօսեցէ՛ք :

— Ձեր ընկերութիւնը երբէք մը-  
 ցանակ մը չէ՞ առաջարկած, գի-

տական ուէ խնդիր մը լուծելու համար . երկրագործական ըլլայ թէ պատմական , աստեղաբաշխական կամ լեզուագիտական :

—Ոչ , այդ ամէնը չեն հետաքրքրեր զմեզ : Մեք ամենէն վեր կը դասեմք այն ամէն բաները որք մեզի դադափար մը կուտան մարդկային մարմնոյ կարողութեանց վրայ :

—Անշուշտ կը հասկնաք , միլորտ , թէ աւելի կը սիրեմ իմացականութեանս քան ստամոքսիս շնորհիւ :

—Յիսուն հազար ֆրանքի պէտք չ'ունի՞ք :

—Այո , միլորտ :

—Ուրեմն , այդ գումարը շահելու միակ միջոցն այս է : Մեր այժմու գիտնոց ստացած դիրքը խիստ

պատուաբեր է իրենց : Ուրեմն համաձայնեցանք . երեսուն հատ խորոված աղաւնի , ըսաւ լօրան այս պայմանը շեշտելով , այսօրու ընէ՞ յուրիս 31էն մինչև յառաջակայս սեպտեմբեր 1 :

—Ո՛ւր պիտի ընեմ այս ճաշը :

—Ուր որ կուզէք :

—Իմ պանդոկս , ըսաւ Բէթէրս :

—Ս,յո՛ , ըսաւ լօրտ Լընխատալ :

—Միլորտը թոյլ պիտի տա՞յ ինձ , հարցուց Բէթէրս , որ եթէ պարոնը մրցանակը շահի , իմ հաստատութեանս յայտարարութիւնն ընեմ , և այդ յայտարարութեան մէջ այս դէպքն արձանագրեմ :

—Ս,յս մասին ընկերութեան խորհուրդ պիտի հարցնեմ :

—Ո՛րչափ ազնիւ էք , միլորտ :

— Յա ես աւթիւն ուրեմն, ըսաւ Անգլիոյ. առեկեալալք, Սատուած տար որ յաջողէիք. դայս կը մաղթեմ շերմագին ի շահ Ձեր և ի շահ գիտութեան: Եւ ինչպէս կարծեմ քիչ մը առաջ ըսի, եթէ յաջողիք, թագաւորին բարեհաճութիւնը պիտի ստանաք, ու Լօնսըրաի բոլոր տուները ձեզի համար բաց պիտի ըլլան:

— Ուրեմն, ըսաւ Լէոն՝ Բէթէլսի հետ միասին դուրս ելնելով, ուրեմն այնչա՛մի աշխատութիւն տարով ուսայ Լատիներէն, Յունարէն, Իտալերէն, Սպաներէն, Անգլիերէն, Գերմաներէն, Պատմութիւն, Երկրաչափութիւն, Աստեղագրաչափութիւն, Բնական Պատմութիւն, Բնադիտութիւն, Տարրալուծութիւն և . . . Մոլ-

տովարաքերէն, որպէս զի սիրած  
աղջկանս հետ ամուսնանալ կարե-  
նալու համար, ամսուան մը մէջ ե-  
րեսուն հատ խորոված աղաւնի ու-  
տել ստիպուիմ: Ո՛ր գիտութիւն,  
բա՞ռ մըն ես միայն . . . :

Ե.

Այն իրիկունն իսկ լէոն գործի  
սկսաւ:

Ութ օր ետք, լօրտ Պուրլամ և  
լօրտ Սթօրլէյ, որք ուզեր էին ամ-  
բողջ ամսոյն մէջ սորա ճաշին  
ներկայ գտնուիլ, իրիկունն ժամը  
Դին լօրտ լընխատալի տունը կերթա-  
յին:

—Ուրե՞մն, հարցոց այս վերջե-  
նը:

—Այսօր ալ կերաւ աղաւնին:

—Ամբո՞ղջապէս:

—Ամբողջապէս :

—Ի՞նչ առոյգ տղայ :

Օգոստոս 15ին լօրաւ Լընիստալ եր-  
կու վկայից կը հարցնէր .

—Գրաւադիր պարօնը մեռա՞ւ :

—Ոչ :

—Ամէն օր կ'ուտէ՞ իր աղաւնին :

—Ամէն օր :

—Խորովա՞ծ :

—Խորոված :

—Ամբողջապէս :

—Ամբողջապէս :

—Ուրեմն երկրորդ շրջանն ալ ան-  
ցուց :

Օգոստոս 25ին ինքն անձամբ  
դնայ տեսնել զլէոն, զոր հազիւ  
կրցաւ ճանչել : Մեր հերոսին աչ-  
քերը կրակի մէջ էին, այնչափ սրա-  
տիկ ջերմ ունէր :

—Ի՞նչպէս կը գտնէք ինքզինք-  
նիդ, հարցուց ընկերութեան նա-  
խագահը :

—Խիստ գէշ, պատասխանեց Լէ-  
ոն :

—Ու կը յարատուէ՞ք :

—Այո :

—Գուք աղաւնիներու Ուէլլինկ-  
թընն (\*) էք :

—Շնորհակալ եմ Ձեր քաջակե-  
րութենէն, միտրա :

Լօրա լընխատալ ազեց ներկայ

---

(\*) Ընթերցողք գիտեն անշուշտ թէ  
Ուէլլինկթըն նշանաւոր Անգլիացի գօ-  
րապետ մըն էր, որ Ուաթէրլոյի ճակա-  
տամարտին մէջ Գաղիոյ թշնամի մի-  
ացեալ բանակներուն կը հրամայէր, ու  
յարթեց Նաբոլէոն Ա. ի նոյն պատերազ-  
մին մէջ յամին 1815 : Ծ. Թ.

դանուկի վերջին երեք ճաշին, յորում լէոն քթին ծակերը գոցելով հազիւ կրնար աղաւնին ուտել այնչափ դէշ կուգար հասը :

Ո՞վ կրնար հաւատալ որ իր հաւատարմութեամբն այնչափ հոշակաւոր եղող թռչունն՝ վրայէ վրայ ուտուելով այսչափ անախորժ դար քմաց :

Օգոստոս 30ին Լճնորայի Ժողովուրդը Բէթէրս վարպետին դրան առջին կը խոնէր : Հազիւ կրնային լէոնը՝ ներշնչած հիացման ցոյցերուն դէմ պաշտպանել :

Վերջին աղաւնին ուտելէն ետք, իւր ըրած յաղթութենէն յուզեալ, և սրտի ցաւէն խեղդուելու մօտ վիճակի մը մէջ, հարկ եղաւ որ պատուհանն երնէ, և ողջունէ թաղին :

բնակիչները, որոց ամէն օր տեղեկութիւններ կուտար Բէթէրս վարպետը :

Սկովտիաէն բազմաթիւ դիտուններ եկած էին լէսնը տեսներու : Բայց միայն փականքին ծակէն կըրցած էին տեսնել դայն, և ասոր համար ալ ստիպուեր էին դանկտակի մը տալ Բէթէրսի :

Սեպտեմբեր Չին գրաւը շահուած էր :

Պ. Բէթէրս՝ աղանիներու փորձին միջոցին լէսնի հագած զգեստները ծախսեր էր Անգլիացի դրօսաշրջիկի մը, որ վօլթէրի երկու հարիւր երեսուներորդ գուազանը գնած էր : Այս զգեստը հարիւր կիներէի ծախսեր էր, և եթէ արհեստիւ այսպիսի բա-

ներ հաւաքող մ'ըլլար՝ հազար կի-  
նէի ալ թերեւս շտար :

Վերջապէս 1838 սեպտեմբեր 3ին  
Թաշահի մէջ հետեւեալը կը կարդա-  
ցուէր .

«Ընթերցողք գիտեն անշուշտ,  
թէ ասկից ամիս մ'առաջ Գաղիա-  
ցի մը ինքզինք մրցակից ներկայա-  
ցուցած էր այն աղանիի մրցանա-  
կին, զոր առաջարկած էին լօրտ-  
ւընիատալ և Լօնտրաի գիտական ըն-  
կերութեան բոլոր անդամք :

«Բերկրութեամբ կը ծանուցանեմք  
թէ այս մրցանակը շահեցաւ նոյն  
Ֆրանսացին, որուն պատահանին  
տակ ութ օրէ ի վեր և այս պա-  
հուս իսկ կը խոնտի հետաքրքիր-  
ներու և հիացողներու ամբոխ մը :

«Երեսուն աղանիներն ամբողջա-

պէս կերուած են, և սակորնեքը պահուած, որպէս զի իրողութիւնը հաստատող անգեկազրով մը ներկայացուին բնական պատմութեան սենեկին:

«Կը յիշուի թէ այս երիտասարդէն առաջ հարիւր յիսուն հոգի ներկայացած էին մրցելու, բայց ութ կամ տասնհինգ օր մրցելէ յետոյ ետ կեցեր էին, և թէ այդ մրցողներէն երեքն ալ մեռեր էին:

«Քուստի այս երիտասարդը պէտք է խիստ առողջ ստամոքսով մը, և կորովի հաստատամտութեամբ մ'օժտեալ ըլլայ: Երեկ որոշեալ մրցանակն ու սոկեայ շքադրամ մը նուիրուեցաւ այս Ծրանասպետին՝ Պ. Լեոն<sup>\*\*\*</sup>ի:

«Ահաւասիկ կարեւոր խնդիր մը  
 շուծուեցաւ ապագային համար: Այս  
 առթիւ նշանաւոր հեղինակէաւ Լօրտ  
 Պուրլամ՝ ընտիր ճառ մ'արտատանեց:  
 Լօրտ Լընիտաւը ևս ի պատասխան՝  
 կրօնային պաշտամանց ծագման և  
 լեզուաց ծննդեան վրայ խիստ դե-  
 դեցիկ բանախօսութիւն մ'ըրաւ: Ու-  
 բախ եւք յայտնելու մեր ընթեր-  
 ջսդաց թէ, Պ. Լէոն \* \* \* չէ հասա-  
 րակ մարդ մը, զոր շահու ակնկա-  
 լութիւնը մղած ըլլայ այս փորձին,  
 առաջնակարգ գիտուն մը և դրա-  
 դէտ մ'է նա: Ուստի և զուտ հե-  
 տաքրքրութեան համար միայն ը-  
 րած է այս փորձը: Ասոր ապա-  
 ջոյց է տա պարագայն որ 10000  
 ֆրանք պարգեւած է ազանիները  
 խորովող պանդոկապետին: Նոյն

Իրիկունն իսկ թագաւորին ներկա-  
 յացուեցաւ: Նորին վեհափառու-  
 թիւնը ադամանդազարդ ծխատուփ  
 մը նուիրեց իրեն, և երկարօրէն  
 հարցափորձեց զինքն այն դանազան  
 տպաւորութեանց մասին, զոր յաճախ  
 կրկնուած ազաւնիի միտը յառաջ կը  
 բերէ մարդկային կազմուածոյն  
 վրայ: Սպանիոյ դեսպանը անմիջա-  
 պէս գրեց թագուհւոյն, ու Պ. Լէ-  
 ոն \* \* \* ի համար իզապէլ Լա Գա-  
 թօլիքի խաչին պատուանշանը խնդ-  
 րեց: Քուրցօֆ իշխանը 50000 լուպ-  
 լի տալ խոստացաւ մրցանակընկալ  
 պարոնին, եթէ հաճէր նոյն փորձը  
 Ռուսիոյ մէջ ալ կրկնելու: Բայց Պ.  
 Լէոն \* \* \*, զոր իւր ընտանիքն և իւր  
 գործեր կը կոչեն ի Փարիզ, ցաւ  
 յայտնելով ստիպուեցաւ մերժել սոյն

առաջարկն . աւելցնելով մանաւանդ ,  
 թէ երկրորդ փորձ մը անկարելի պի-  
 տի ըլլար իրեն , սոյն ամսուան մը փոր-  
 ձի միջոցին կրած նեղութիւնն ամէն  
 բացատրութենէ վեր լինելով ։”

1838 սեպտեմբեր 15ին լէօն ներ-  
 կայացաւ Պ. Լըպրէօնի , որ իւր ազ-  
 ջկան հետ կը գտնուէր ճիշդ այն  
 սենեակն , ուր տարի մ’առաջ հրա-  
 ժեշտ տուեր էր իրենց ։

— Յաջողեցա՞ր , հարցուց հայրը ։

— Ահաւասիկ եօթանասուն և հինգ  
 հազար ֆրանք , ըսաւ լէօն՝ իւր  
 դրպանէն եօթանասուն և հինգ հազար  
 հազար ֆրանքնոց պանքտոմս հա-  
 նելով ։

— Քսան և հի՛նգ հազար ֆրանք  
 ալ աւելի , գոչեց Պ. Լըպրէօն սքան-  
 չացած , մինչդեռ ժիւլի յուզումէն

կը տժ դունէր և ուրախութենէն կը  
կարմրէր :

— Այո՛ , ըսաւ Լէօն , ոչ միայն խոտ-  
տացեալ դումարը շահեցայ , այլև  
նուէրներ ալ ըրին ինձ , զորս վաճա-  
ռեցի , և որք կը ներկայացնեն այս  
աւերարդ քսան և հինգ հազար ֆը-  
րանքը :

— Մտացած դաստիարակութեա-  
նըդ շնորհիւ շահեցար :

— Այո՛ , սրատասխանեց Լէօն հա-  
ռաչելով , զի չէր ուզեր իւր հարըս-  
տութեան աղբիւրը խոտովանիլ :

— Ուրեմն , ըսաւ Ժիւլի՛ իւր նշա-  
նածին փարելով , եթէ դուակ ու-  
նենամք պէտք է որ ուսումնական  
ընենք :

— Սատանա՞ն տանի զիս , եթէ  
անոնց հասարակ ընթերցանութիւն

մ'իսկ ստրվեցնեմ, ըստ լէոն ինք-  
նիրեն :

Եւ ամուսնացաւ ժիւլիի հետ, ու  
երջանիկ եղաւ, և երկու դուստր  
ունեցաւ, որք հակառակ իրենց հօր  
ըրած երդումին, երկու հրաշալիք-  
ներ կրնան համարուիլ, և մտած  
են այն ճամբուն մէջ, որ շիտակ  
դէպի Արձանագրութեանց և Գեղե-  
ցիկ Դպրութեանց Ակադեմիան կ'ա-  
ռաջնորդէ :

Հիմայ որ լէոն ապրելու համար  
իր դիտութեան պէտք չ'ունի, զայն  
օգտակար կերպիւ կը դործածէ :  
Արդէն հրատարակած է իր Արարա-  
կան երգերու թարգմանութիւնը որ  
թարգմանիչներու մէջ նշանաւոր ա-  
նուն մը, և նիւթապէս ալ 32  
Փրանք 50 տանգիմ շահեցուցած է

իրենն : (Որովհետև տպագրչին հետ  
դաշինք դրած էր որ գրքէն եղած  
շահը կէս առ կէս պիտի բաժնէին , ու  
ամբողջ շահն եղած էր 65 ֆրանք... :)

Այս պատմութենէն կրնա՞նք հե-  
տևցնել թէ գիտութիւնն արհա-  
մարհելի բան մ'է : Ո՛չ : Ասով սա  
միայն կը հաստատուի թէ՛ գիտու-  
թենէն զայն միայն պահանջելու է ,  
ինչ որ կրնայ տալ . այսինքն միշտ  
աշխատութիւն , երբեմն համբաւ ,  
յաճախ անծանօթ կեանք մը , իսկ  
հարստութիւն՝ երբէք :

Արդեօք կը հաստատէ՞ թէ պէտք  
է արհամարհել Անգլիացւոց այլան-  
դակութիւնները : — Ո՛չ : Որովհետև  
ինչպէս կը տեսնէք , մէկուն այլան-  
դակութիւնն ուրիշիմ՝ երջանկութեան  
պատճառ կրնայ ըլլալ : Եւ այն ա-

ամէն ճանքայները գորս կ'ընտր է մարդ-  
երջանկութեան հասնելու համար՝  
բարի են, բաւական է որ խոստաց-  
եալ երջանկութեան հասնի:

Ուրեմն ի՞նչ կապացուցանէ այս  
պատմութիւն:

Բան մ'ալ չապացուցաներ:

Բայց ո՛չ, կապացուցանէ թէ ա-  
զաւնիին միտք ծանր համ մ'ունի,  
և թէ Նախախնամութիւնն ամէն  
միջոց ի գործ կը դնէ, օգնելու  
համար այնպիսեաց որք յանդիմա-  
նելի գործ մ'ըրած չեն:



Faint, illegible text, possibly bleed-through from the reverse side of the page.



ՔԱՐԳՄԱՆՁԻՆ ԳՈՐԾԵՐԸ

	Ղ.շ. Փր.
Խրատառու կամ հրահանգիչ բարոյավէպք (Սպառ.ած) . . . . .	
Սիրուն Պատմութիւններ . . . . .	2. 20
Ազաւնիներու մրցանակը . . . . .	2.

ԱՌՁԵՌՆ

ԱՆԿԵԱԼ ԲԱՐՔԵՐ (Վէպ տեղական կեանքէ  
առնուած)

معارف نظارت / جايله سنك رخصتيله طبع اولمشدر

